



UNIVERSITÄTS-
BIBLIOTHEK
PADERBORN

**R. P. Lvcaë Pinelli Societatis Iesv, Theologi, Exercitia
Spiritvalia Qvdraginta, De Sacrosancto Eucharistiæ
Sacramento**

Pinelli, Luca

Coloniae, 1608

Meditatio De sanguine à Christo in crucis baiulatione profuso.

[urn:nbn:de:hbz:466:1-59691](https://nbn-resolving.org/urn:nbn:de:hbz:466:1-59691)

quod me tibi aliquomodo conformare digneris, qui salutis meae causa à vilissimis satellitibus in hac non minus dolorosa quam ignominiosa coronatione tua ludibrio haberi voluisti. Super omnia denique oro te benignissime IESV, fac ne sub capite spinoso, sim membrum delicatum. Amen.

MEDITATIO

De sanguine à Christo in crucis
battulatione pro-
fuso.

PUNCTA MEDITATIONIS.

CONTEMPLARE anima mea que
dolorosam illam coronationem
spineam secuta fuere, quaeque nouam afflic-
tissimo IESV sanguinis effundendi cau-
sam praebuerunt. Primo igitur aduerte,
quomodo scelerati carnifices, cum Christum
ad mortem condemnatum esse intelligen-
rent, hoc nuncio vehementer exultantes,
purpuram à corpore ipsius ingenti cum se-
rocia abstraxerint, simulque vulnera, qui-
bus

DE V. VVLNER. CHRISTI. 193

bus ea inhærebat, renouauerint.

2. **C O N S I D E R A** quomodo Iudæi purpuram, sanguine Christi cruentatam veluti rem maximè abominabilem in locum prophanum ac sordidum proijci uoluerint, iudicantes indignum esse, illam ab homine contingi: tantum erat odium quò Christum & omnia quæ ipse erat, prosequerentur.

3. **P E R P E N D E** quomodo antequàm Christum ad necem educerent, uelimentis suis eum uelauerint, ut qui ex facie sanguine deformata cognosci nequibat, ex uelibus saltem agnosceretur, & facinorosus homo esse censeretur: quam confusio- nem Christus nostri amore libens tolerauit.

4. **A S P I C E** quomodo crudeles illi satellites in exuendo & uelando Christo, quoties in spinarum quæ caput ipse circumgebant aculeis se uulnerabant, toties manu- uertissimo I E S U alapas impingant, aut calcibus feriant, quasi ipse causa huius doloris existeret.

5. **C O N S I D E R A** quomodo Saluatori crucem in humeros iam laceros, & ex uerbis tumidos imposuerint. Fuit autem tam ponderosa hæc crux, ut humeros Christi non sine nouo dolore premens, re-

fiduum sanguinem ex illis expresserit, cuius plurimæ guttæ in terram defluebant.

6. **C**ONTEMPLARE etiam quomodo illa pars crucis quæ capiti proxima erat, inter ambulandum, frequenter etiam propter ministrorum peruersitatem, in coronam spineam impingebat, spinarumque aculeos capiti Christi profundius infigebat, unde factum est ut nouum ex capite sanguinem, cum maximo sui dolore profunderit.

7. **I**N TVBBE anima mea Creatorem totius vniuersi (qui minimo nutu, efferum hunc populum exterminare atque in nihilum redigere poterat) ad sacrificium, instar alterius Isaac, onustum lignis properantem, nihil de sui liberatione cogitans, sed tui duntaxat redemptionem animo volens: tradidit enim se spontaneè in manus hostium suorum, ut tu per mortem ipsius vitam æternam consequeris.

COLLOQVIVM. I.

O Iudæi, si exploratum vobis foret, quanti pretij sit hæc purpura, quæ filij DEI carnem attigit, & pretioso ipsius

DE V. VVLNER. CHRISTI. 195

sanguine tincta est, non eam vti rem vilem & nullius vtilitatis abiectis. Eia anima mea, quære illam, quia Angelos propter sacri sanguinis honorem, illam interea conseruasse dubium non est, ne videlicet pedibus conculcaretur. Quære igitur illam & asserua, nullum enim pretiosorem thesaurum possidere potes: quia sanguis quo perfusa est, tanti pretij est, vt ad mille mundorum redemptionem sufficere possit.

Cæterum Domine I E S V, nonne melius esset quod relictis vestibis tuis, cum purpura ad locum supplicij pergeres, sic enim à vulgo minus agnoscereris, atque confusio tua tolerabilior foret. Non sic censet Amor, sed ait: crescat confusio, vt augeantur merita.

O Angeli, ô cæli, ô stellæ, ecce nosset & vester creator ad mortem vti facinorosus latro pergit. O terra cur non concute- ris, ad tantum sacrilegium quod in te com- mittitur: cur non dehiscis, & sacrilegos hosce ministros absorbes? Eia anima mea, agnosce tu etiam Redemptorem tuum, quia Amor illum ab omnibus agnosci vult. Hic est qui totum terrarum orbem condidit.

Hic.

Hic salutis tuæ constituendæ causa de cælis descendit & homo factus est. Hic est Rex gloriæ, in cuius natiuitate Angeli cecinerunt. *Gloria in altissimi DEO* Luc. 2. Hic est Dominus Maiestatis, quem tota curia cœlestis adorat. Hic qui modò sicut ouis ad occisionem ducitur, est ille quem infernalis regio contremiscit.

COLLOQVIVM. II.

Noli scandalum pati Anima mea, si Christum ad necem, uti reum & facinorosum educi conspicias, quia Amor ita vult, & peccatis nostris huius necis causa adscribenda est. Cæterùm dic mihi Domine, quod est graue hoc onus, quo humeri tui onerati sunt? Heu! iniquitates nostræ. Et quis vires tibi suppeditat ingentem hanc sarcinam ferendi, quandoquidem vix pedibus insistere vales, & iam prope modum exanguis effectus es? Vtique nihil aliud quam seruens desiderium tuum moriendi & satisfaciendi pro nobis. O Carnifices, ne sollicitis Christum Seruatorem nostrum ad ambulandum, quia mille annorum mora illi videtur, aduentus in

DE V. VVLNER. CHRISTI 137

Montem Caluariz, vt se pro nobis in sacrificium offerat, nosque à peccati seruitute liberet.

Pater aterne, ad sacrificium quod tibi obedientissimus Filius tuus in monte Caluariz oblaturus est, ligna & ignem flagrantissimæ charitatis tuæ secum defert, diuina iustitia gladium manibus vibrat, sed vbi est victima holocausti? O Domine pro Isaac inuentus fuit agnus inter vepres hærens cornibus, qui occisus & immolatus fuit ab Abrahamo loco filij, pro Iesus vero nullus reperitur Agnus qui ad hoc holocaustum idoneus sit, ac proinde necessarium est eundem victimæ locum subire. Etiam anima mea sequere Redemptorem tuum, si in tenebris ambulare, & de via errare non vis. Sequere illum alacri animo, quia Pater cælestis *clauem domus David* super humerum eius imposuit. Crux quam in humeris suis defert, est clavis cælos referans. Sequere igitur illum anima mea, & si viam nescis aut de illa dubitas, intueri terram sanguis enim, quem Iesus ad singulos ferè passus profudit, viam per quam ambulare debeas, tibi demonstrabit.

ORA.

ORATIO.

OMnipotens DEVS & Pater miseri-
 cordiarum, per illam confusionem,
 quam obsequentissimus filius tuus sustinuit,
 in ferenda cruce instar latronis, & per
 conuitia & probra quae toto hoc itinere in
 eum iacta sunt, te obsecro, da mihi gratiam
 imitandi IESVM in ferenda cruce tribu-
 lationum & erumnarum presentis vitae,
 ut exemplo ipsius, totum me ad proximo-
 rum utilitates impendam, nullo respec-
 tu habito humanarum contradietionum
 aut propriorum commodorum, ut tibi socius
 existens in afflictionibus & laboribus,
 socius etiam effici merear quietis & praemiorum.
 Effice Domine, ut modò tam
 feruidus amator sim crucis, ut quan-
 do in fine mundi apparuerit in oriente: ab
 Angelis videlicet ad Iudicium vniuersale,
 quod tunc instituetur, delata, non me
 terreat, uti ceteros inimicos
 crucis Christi, sed console-
 tur & roboret. A-
 men.

Anima

Anima Christi sanctifica
me. Corpus Christi salua
me. Sanguis Christi inebri
a me. Aqua lateris Christi laua
me. Passio Christi conforta me.
O bone IESV exaudi me, intra
vulnera tua absconde me, ne
permittas me separari à te. Ab
hoste maligno defende me. In
hora mortis meæ voca me, &
iube me venire ad te, vt cum
Sanctis tuis laudem te in
sæcula sæculorum.

Amen.

HYMNVS